



Бизнинг hozirgi va ertangi eng muhim vazifamiz — toбора ўсиб бораётган бугунги кун талаблари асосида ҳарбий хизматчиларнинг ўқув-жанговар ва машқ тайёргарлиги самарадорлигини кучайтириш, армиямизни замонавий қурол-аслаҳа ва техника билан таъминлаш, Қуролли Кучларни ислоҳ қилиш ва мустаҳкамлашда замон билан ҳамқадам бўлиб, изчил иш олиб боришимиз шарт.

ВАТАН ҲИМОЯЧИЛАРИГА БАЙРАМ ТАБРИГИ

Ҳурматли аскар ва сержантлар, офицер ва генераллар, Қуролли Кучларимиз фахрийлари!

Сизларни, Ватан ҳимояси каби шарафли ва олижаноб ишга ўзини бағишлаган барча юртдошларимизни мамлакатимиз ҳаётидаги қутлуг сана — Ватан ҳимоячилари кўни билан чин қалбимдан самимий табриклаш менга катта мамнуният етказди.

Бугун Ўзбекистонда мамлакатимиз хавфсизлиги, ҳудудий ахилитлиги ва сарҳадларимиз дахлсизлигини, халқимизнинг тинчлиги ва оёсийишга ҳаётини ишончи ҳимоялашга қодир бўлган, замонавий қурол-яроғ ва ҳарбий техника билан яхши таъминланган, профессионал асосда илҳам ва тезкор Қуролли Кучлар барпо этилди, деб айтишга барча асосларимиз бор.

Юртимизда Ўзбекистон Қуролли Кучларини ислоҳ қилиш бўйича қабул қилинган Дастурга мувофиқ амалга оширилган, кўламини ва моҳиятига кўра улкан ишларимиз барча замонавий талабларга жавоб берадиган миллий армияни шакллантириш ва бошқаришнинг сифат жиҳатидан мутлақо янги тизимга ўтишга имкон берди. Янги ташкилий-штат тузилмаси қабул қилинди, қисқа вақт ичида ҳарбий округлар, чегара ҳудудлари ва махсус операцияларга ихтисослаштирилган қисмлар ташкил этилди, мамлакат мудофаа тизимини бошқариш механизми, Қуролли Кучлар Бирлашган штаби раҳбарлигидаги жанговар тайёргарлик ва тезкор-стратегик режалаштириш тизими қайта қўриб чиқилди. Қўшилмалар ва қисмларни таҳдид эҳтимоли кўпроқ бўлган оператив йўналишларни эътиборга олган ҳолда, қайта жойлаштириш бўйича кенг кўламли ишлар бажарилди.

Муддатли ҳарбий хизмат бир йилгача қисқартирилди, сафарбарлик-қақриув резерв хизмати жорий этилди ва муваффақиятли ривожланиб бормоқда. Қўшинларнинг моддий-техник базасини мустаҳкамлаш, уларни замонавий қурол-аслаҳалар билан таъминлаш, ҳарбий хизматчиларнинг социал ва маънавий турар-жой шароитларини яхшилаш борасида қатор чора-тадбирлар амалга оширилди.

Биз миллий армиямизни босқич-ма-босқич ва тизимли равишда шакллантиришда аввало Ўзбекистоннинг минтақамизда ва ҳозирги дунёда тугган геостратегик ва геосийсий ўрнини, мамлакатимиз хавфсизлигига қарши қаратилган жиддий ички ва ташқи таҳдид ва хатарларни, айниқса, кучайиб ва фаоллашиб бораётган халқаро террорчилик, экстремизм, тобора кўламини кенгайтириб бораётган наркoагрессия, оммавий қиргин қуролларнинг тарқалиши каби бало-қазоларни ҳисобга олган ҳолда иш тутдик. Шу ўринда қарийб 30 йилдан буён биродарқушлик руҳи давом этаяётган ва тинч аҳоли қурбон бўлаётган Афғонистондаги ҳарбий-сийсий вазиятнинг мураккаб бўлиб тургани ҳам минтақамиздаги хавфсизликка катта таҳдид туғдирётганини қайд этиш лозим.

Бугунги кунда тўла ишонч билан айтиш мумкинки, армиямиз жаҳон ҳарбий қурилишининг энг илгор тажрибаларини ўзида мужассам этган бўлиб, айна пайтда миллий жанговар аъналаримизни юксак саноқат билан давом эттирмоқда, шу билан бирга, минтақамизда рўй бериш эҳтимоли мавжуд бўлган ҳарбий ҳаракатлар ва жанговар амалиётлар ҳам ҳар томонлама эътиборга олинмоқда.

Ана шу вазифалардан келиб чиққан ҳолда, пухта ўйланган чора-тадбирлар ва ҳисоб-китоблар асосида жанговар ва хизмат кўрсатувчи қисмларнинг мутлақо янги тузилмаси ишлаб чиқилди ва жорий этилди, уларнинг таркиби, мақсад-вазифалари тубдан ўзгарди. Пировад натижада қўшинларимизнинг ўзини ўзи бошқариш имкониятлари, армиямизнинг ҳарбий салоҳияти ва жанговар қудрати янада ортди.

Армиямизни зарур қурол-яроғ ва ҳарбий техника билан таъминлаш

ҳамда қайта қуроллантириш, жумладан, жанговар вертолётлар паркинни, ҳарбий ҳаво мудофааси кучларини мустаҳкамлаш, қўшинларимизни қурол-аслаҳаларнинг бошқа замонавий турлари билан таъминлаш бўйича тизимли ва мунтазам асосда кенг кўламли ишлар амалга оширилмоқда.

Қуролли Кучларимизда олиб борилаётган ислохотларнинг энг муҳим амалий натижаси, ҳеч шубҳасиз, армиядаги ахлоқий-руҳий, маънавий муҳитнинг бутунлай янгиланганида яққол намоён бўлмоқда. Ҳарбий жамоаларда ҳарбий хизматчилар ўртасидаги муносабатлар ва энг асосийси, жамиятимизда армияга ва ҳарбий хизматга нисбатан ёндашув ва қарашлар бутунлай ўзгарди. Эндиликда Қуролли Кучлар сафида хизмат қилиш Ўзбекистон фуқароси учун наинки конституциявий бурч, айна чоғда мамлакатимиздаги энг нуфузли касблардан бирига айланди, десак, асло муболага бўлмайди.

Биз офицерлар ва аскарлар таркиби ўртасида нафақат боғловчи бўғин, балки том маънода армиямизнинг таянч устуни, офицерларнинг ишончи ёрдамчилари бўлмиш сержантларимизнинг профессионал тайёргарлик даражасини янада оширишга катта эътибор қаратмоқдамиз.

Бугунги кунда замонавий жиҳозланган махсус сержантлар мактабларида таълим олган сержантлар бутун аскарлар таркиби учун энг яқин кичик командирлар бўлиш билан бирга, улар, таъбир жоиз бўлса, ҳар бир аскарга бамисоли академик ғамхўрлик кўрсатиб, ҳарбий жамоаларда соғлом ахлоқий-руҳий ва маънавий муҳитни таъминлашнинг муҳим омили бўлиб хизмат қилмоқда.

Ҳарбий ўқув юрларимизда таълим тизими тубдан ўзгармоқда, уларда бўлғуси офицерларни тайёрлаш ва тарбиялаш ҳозирги замон талабларига тўла мос келадиган, принципал жиҳатдан мутлақо янги бўлган ўқув-техник ва маънавий-ахлоқий ҳолда йўлга қўйилган. Бугун катта мамнуният билан шунга қайд этиш лозимки, ҳарбий кадрларни тайёрлаш, қайта тайёрлаш ва тарбиялашнинг ўзига хос, нодир тизими яратилгани туфайли Қуролли Кучларимизнинг деярли бутун кўмондонлик ва сержантлар таркиби тўлиқ янгиланди.

Армия сафларига авваламбор мустақил ва суверен Ўзбекистонимизга хизмат қилиш, унинг манфаатлари ва сарҳадларини, халқимизнинг тинч ва осуда ҳаётини ҳимоя этишга азму қарор қилган мард ва фидойи, интеллектуал жиҳатдан тарбия топган етук кадрлар келди.

Биз кўлга киритган бундай ютуқлар билан муқаддас юртимизда яшайётган, миллати, дини ва эътиқодидан қатъи назар, ҳар бир инсон ҳақли равишда фахрланса арзийди, албатта.

Қадрли юртдошлар! Бизнинг ҳозирги ва ertangi энг муҳим вазифамиз — тобора ўсиб бораётган бугунги кун талаблари асосида ҳарбий хизматчиларнинг ўқув-жанговар ва машқ тайёргарлиги самарадорлигини кучайтириш, армиямизни замонавий қурол-аслаҳа ва техника билан таъминлаш, Қуролли Кучларни ислоҳ қилиш ва мустаҳкамлашда замон билан ҳамқадам бўлиб, изчил иш олиб боришимиз шарт.

Шу борада армиямизнинг мукамал ва пухта ташкил этилган механизми каби тўлақонли фаолият кўрсатиши, унинг таркибидаги ҳар бир ҳарбий қисм ўз вазифасига эга бўлган ҳолда, бошқа турдаги қўшинларнинг бўлинималари билан бирга, ўзаро узвий боғланган ягона комплексни ташкил этиб, жанговар ҳаракатларни бир ёқадан бош чиқариб олиб бориши муҳим аҳамиятга эга.

Ҳозирги вақтда барча турдаги қўшинларни тайёрлаш ва жанговар фаолиятини амалга ошириш, мамлакатимиз хавфсизлигини таъминлашда уларнинг ўзаро яқин ҳамкорлигига эришиш Бирлашган штаб,

ҳарбий округлар кўмондонлиги, тегишли идоралар, ҳар қайси бўғиндаги командирларнинг асосий вазифаси бўлиши зарур.

Айниқса, армиямизни қурол-яроғ ва техника билан таъминлаш олдимишда турган энг масъулиятли вазифа ҳисобланади. Сир эмаски, бугунги кунда замонавий қурол-аслаҳа жуда қimmat туради. Айна шу сабабли Қуролли Кучларимизнинг биринчи галдаги эҳтиёлларидан келиб чиққан ҳолда, пухта ўйланган дастур асосида, аввало замонавий талабларга жавоб берадиган ва шу билан бирга, қўшинларимизнинг ҳарбий ва жанговар қудратини янада кучайтирадиган қурол-аслаҳалар билан таъминлашимиз муҳим ўрин тутади.

Шахсий таркибни ўта хавфли бўлган турли қиргин қуролларнинг таъсиридан алоҳида ва биргалликда ҳимоя қилишнинг ишончи воситалари ҳамда техникаси билан таъминлашга жиддий эътибор қаратишимиз даркор.

Ҳарбий тайёргарлик самарадорлигини ошириш энг муҳим вазифамиз бўлиб қолмоқда. Ҳарбий маҳорат сирларини ўрганши ва чуқур ўзлаштириш ҳар қайси ҳарбий хизматчи — оддий аскардан бошлаб юқори кўмондон учун ҳам — доимий, асосий вазифа ва мақсад бўлиб қолиши шарт. Бу борада сержантлар мактаблари, ҳарбий билим юрлари, қўшилма ва қисмларни замонавий тренажёрлар, реал жанговар вазиятларга имкон қадар тўла мослаштириш таъминлайдиган полигон ускуналари билан жиҳозлаш алоҳида аҳамият касб этади. Биз тренажёрлар, ахборот-коммуникация технологиялари, моделлаштириш ва симуляция услубларига асосланган замонавий техник таълим воситаларини ҳозирги вазиятда ўта мураккаб вазифаларни ҳал этиш ва армиямизнинг жанговар қобилиятини оширишга қодир бўлган амалий ва самарали қурол сифатида қабул қилишимиз лозим.

Маълумки, 2008 йил юртимизда Ёшлар йили деб эълон қилинди. Бу ўз навбатида мамлакатимиз Қуролли Кучлари раҳбарлиги ва кўмондонлик таркиби олдида бугунги кунда армиямизнинг асосий ўзагини ташкил этадиган ёш офицерлар, сержант ва аскарларнинг манфаатларини таъминлаш, уларнинг эзгу орзу-умид ва интилишларини рўйба чикариш учун янги, янада масъулиятли вазифаларни кўяди.

Шу муносабат билан миллий армиямизни модернизация қилиш жараёнини янада чуқурлаштириш, мамлакатимиз мудофаа қобилиятини мустаҳкамлаш, давлатимиз сарҳадлари дахлсизлигини таъминлаш билан бир қаторда, бу вазифаларни бажаришимиз муҳим ва узвий қисми бўлган ўз ҳаётини Ватанини ҳимоя қилишдек буюк ишга бағишлаган ҳарбий хизматчилар ва уларнинг оилаларини ижтимоий ҳимоялаш, шунингдек, уй-жой ва социал-маънавий шароитларини янада яхшилаш, иш ҳақи миқдорини ошириш, бир сўз билан айтганда, уларни ҳар томонлама қўллаб-қувватлаш масалалари бундан буён ҳам доимий эътиборимиз марказида бўлади.

Бу мақсадларни амалга ошириши мен ўзим учун нафақат муҳим вазифа, балки юксак бурчим деб биламан.

Сиз азизларни — юртимиз мард ўғлонларини, сизларнинг оила аъзоларингиз ва яқинларингизни Ватан ҳимоячилари кўни ҳамда Ўзбекистон Қуролли Кучларининг ўн олти йиллиги байрами билан яна бир бор чин қалбимдан самимий табриқлайман.

Барчангизга мустаҳкам соғлиқ, масъулиятли хизматингизда муваффақиятлар, бахт ва омад, она Ватанини ҳимоя қилишдек шарафли ишингизда ғайрат ва шижоат тилайман.

Ислоҳ КАРИМОВ,
Ўзбекистон Республикаси
Президенти,
Қуролли Кучлар Олий
Бош Қўмондони

ЎЗБЕКISTON RESPUBLIKASI PREZIDENTINING ФАРМОНИ

Ўзбекистон Республикаси Миллий хавфсизлик хизматининг Давлат чегараларини ҳимоя қилиш қўмитаси чегара катерлари алоҳида базасини Жалолiddин Мангуберди ордени билан мукофотлаш тўғрисида

Ўзбекистон Республикаси Миллий хавфсизлик хизматининг Давлат чегараларини ҳимоя қилиш қўмитаси чегара катерлари алоҳида базасида миллий хавфсизлигини, Ватанимиз ҳудудий ахилитлиги ва сарҳадлари дахлсизлигини таъминлашга қўшаётган катта ҳиссасини, жанговар-хизмат фаолиятида ижобий натижаларга эришганлигини, ҳарбий хизматчиларнинг маҳорати ва юқори профессионал даражасини, уларнинг Ўзбекистон Республикаси чегараларини қўриқлаш ва ҳимоя қилиш вазифаларини бажаришдаги фидо-

корлиги ва мардлигини инобатга олиб, шунингдек, Ватан ҳимоячилари кўни нишонлиниши муносабати билан Ўзбекистон Республикаси Миллий хавфсизлик хизматининг Давлат чегараларини ҳимоя қилиш қўмитаси чегара катерлари алоҳида базаси Жалолiddин Мангуберди ордени билан мукофотлансин.

Ўзбекистон Республикаси
Президенти И.КАРИМОВ
Тошкент шаҳри, 2008 йил 10 январь

ЎЗБЕКISTON RESPUBLIKASI PREZIDENTINING ФАРМОНИ

ВАТАН ҲИМОЯЧИЛАРИ КУНИ МУНОСАБАТИ БИЛАН ҲУҚУҚНИ МУҲОФАЗА ҚИЛИШ ОРГАНЛАРИ, МУДОФАА ВА ФАВҚУЛОДДА ВАЗИЯТЛАР ВАЗИРЛИКЛАРИ ХОДИМЛАРИДАН БИР ГУРУҲИНИ МУКОФОТЛАШ ТЎҒРИСИДА

Мамлакатимизнинг мудофаа салоҳиятини янада юксалтириш, ёшларни миллий ғоя ва она Ватанга садоқат руҳида тарбиялаш, ҳуқуқ-тартиботни мустаҳкамлаш ишига қўшаётган катта ҳиссасини, ижтимоий-сийсий ҳаётдаги фаол иштироки учун қуйидагиларга фахрий унвонлар берилсин:

«ЎЗБЕКISTON RESPUBLIKASIDA ХИЗМАТ КЎРСАТГАН ЮРИСТ»
Газиев Шаюнус Аюбджанович — Ўзбекистон Республикаси Олий суди раисининг ўринбосари — ҳарбий ҳайъат раисини

Джалалов Равшан Рахимович — Ўзбекистон Республикаси Миллий хавфсизлик хизмати ходими

«ЎЗБЕКISTON RESPUBLIKASIDA ХИЗМАТ КЎРСАТГАН ЁШЛАР МУРАБИЙСИ»

Степанов Михаил Васильевич — Ўзбекистон Республикаси Қуролли Кучлари Академиясининг катта ўқитувчиси

(Давоми 2-бетда)

Озод ва обод Ватаннинг мустаҳкам қалқони



Ватанимизнинг хавфсизлиги Қуролли Кучларимиз томонидан ишончли тарзда таъминланмоқда, армияда хизмат қилиш Ўзбекистон фуқаролари учун нафақат конституциявий бурч, айна пайтда том маънодаги шон-шараф ишига айланиб бормоқда.

Армия хизматини ўтаётган йигитларимиз ҳарбий мутахассисликларни пухта эгаллаш билан бирга жисмоний ва маънавий жиҳатдан чиниқиб, қатъий ҳаётий позицияси шаклланимоқда, Ватан ҳимояси йўлида доимо тайёр

турадиган мард ва жасур инсонлар бўлиб камол топмоқда.

Жамиятимиздаги тинчлик ва барқарорлик эл-юртимиз равиши йўлида кенг кўламли ислохотларни амалга ошириш ҳамда бунёдкорона меҳнат учун улкан имкониятлар яратмоқда. Буларнинг барчаси Президентимиз Ислоҳ Каримов томонидан олиб борилаётган оқилона сиёсат самараларидандир. Бу эса кучли давлат ва демократик жамият барпо этишда муҳим омили бўлмоқда.

Шу кунларда мамлакатимизда Ватан ҳимоячилари кўни ҳамда Қуролли Кучларимизнинг 16 йиллиги кенг нишонланмоқда.

«Туркистон» саройида 11 январь кўни ушбу байрамга бағишланган тантанали йиғилиш бўлиб ўтди.

Уни Тошкент шаҳар ҳокими А.Тўхтаев очди.

Ўзбекистон Республикаси Давлат мадҳияси янгради. Ўзбекистон Республикаси Президенти, Қуролли Кучларимиз Олий Бош Қўмондони Ислоҳ Каримовнинг Ватан ҳимоячиларига байрам табригини Президентнинг Давлат маслаҳатчиси Х.Султонов ўқиб эшиттирди.




Тахририятимиз меҳмони

Озодбек НАЗАРБЕКОВ:

Юрагимни ёндирган ишонч

Санъат шундай улкан бир бойликки, сарфлагани билан тугамайди. Кўшиқчининг бу жараёндаги вази-фаси — шу меросни халқдан олиб, ўз истеъдоди, иж-рочилик маҳорати билан бойитиб яна халққа қайта-ришдан иборат. Нафақат қайтариш, балки тўлдириб, сайқал бериб жаҳонга олиб чиқиш, бошқа халқлар-ниқидан кам бўлмаган мумтоз санъат соҳиб, буюк бир миллат вакили эканини намойиш қилишдир.

— Сиз 2007 йилда Ватанимизнинг юксак мукофотларидан бири — «Ўзбекистонда хизмат кўрсатган артист» фах-рий унвонига сазовор бўлдингиз. Оқсаройда Юртбошимиз кўлидан бу мукофотни олаётган вақтингизда кўнглингиз-дан нималар кечди?



— Аввало, мустақиллиги-мизнинг 16 йиллиги байра-ми арафасида Президент-мизнинг бир гуруҳ юртдош-ларимиз катори мени ҳам тақдирлаш тўғрисидаги Фар-мони эълон қилинган бўлса, шу кундан ҳаяжон бошланди. Қолаверса, мен учун Консти-туциямиз байрами шунақа шодибона кун бўлдики, бир то-мондан хурсандчилик, иккин-чи томондан ўзимга билди-рилган эътибор ортида улкан масъулият борлигини чуқур ҳис қилдим. Яна шахсан мени тўлқинлантирган воқеа — мух-тарам Президентимиз: «Се-нинг кўшиқларингни эшитиб бораман, одоб билан, маъ-но-мазмунли кўшиқлар айта-сан», дедилар. Биласизми, шунда ҳаётимда ҳеч қачон ҳис этмаган туйғулар юрагимни ёндирди. Зиммамга катта ишонч, масъулият юқлангани-ни англадим.

Бундай пайтда, ҳақиқатан, ҳаётга бошқача қарай бошлар-кансиз, меҳнатим шундай катта эътиборга сазовор бўлибдими, энди кечая кўндүз ишлашим ке-рак, бу юксак ишончни оқла-шим керак, деган фикр-туйғу ўтар экан, юракдан. Чунки шу пайтгача санъатда ўз йўлимини топиш учун ижод қилган бўлсам, энди унинг ёнига халқимиз эъзози, Ватан олдидаги масъ-уллиқ ва мўътабар ишонч ҳам қўшилди. Билмадим, ҳали унча-лик кўп хизмат қилмагандирман, лекин менга кўрсатилган меҳр-эътибор, назаримда, санъатга, ёшларга билдирилган жуда кат-та ишонч намунаси дур.

— Ижодингиз давомида ўзингизга энг маъқул бўлган, кўнглингиз тўлган, эшитганда ҳаяжонланади-ган, таъсирланадиган кўшиқингиз қайси?

— Бундай унутилмас ҳолат ҳар бир санъаткорда бўлади. Кўшиқ-чининг, кўпол қилиб айтганда «бозор» учун тайёрлаган, шу билан бирга, ўзининг қалби, юрагини қўшиб айтган кўшиқ-лари бўлади. Кўнглидан чиқа-риб айтилган бундай кўшиқлар юракларга етиб боради. Албат-та, йўл-йўлакка яратилган кўшиқ ҳам муҳлис қалбидан чуқур жой олиши мумкин.

Ғамхўрликнинг яна бир намунаси

Наманган вилоятида яқка тартибдаги умумий таълимга жалб этилган ўғил-қизлар сонин 825 нафарни ташкил этади. 2007-2008 ўқув йилининг биринчи ярим йиллигини на-фақат 825 нафар ногирон ўқувчи, балки уларнинг ўқувчилари, ота-оналари ҳам алоҳида мамнулик билан аяқуладилар. Яқка тартибда ўқийдиган ўғил-қизларга ҳуку-матимиз томонидан соғва қўлинган 13 тур-даги ўқув жиҳозлари жамланмаси ҳам улар-нинг руҳини кўтарди.

— 6-умумий ўрта таълим мактабининг 3 «Д» синфи ҳисобда тақрибли муаллима Муборакхон Мусаевадан сабоқ олаётган қизим Ойдинанинг қувончи кўнглимизга нур бағишлади, — дейди Чортоқ туманининг Мучум қишлоғида истиқомат қилувчи Мир-замаҳмуд Режаббоев. — Ростини, болалари-мизга кўрсатилган бундай меҳр-муруват замирида халқимизнинг неча асрлар давомида асраб-авайлаб келатган энг улғў инсоний фазилатлари муҳассам.

Қишлоқ муаллимиси Мапратхон Сай-дуллаеванинг аълочи ўқувчилари рўйха-тида яқка тартибда сабоқ олаётган Аб-дулбосит Исмоилов ҳам бор экан. У ўз иктидорини намоеън этмоғи учун унинг ўзида керакли шартлар яратиб берил-ган. Бундай эътибор унинг оиладагила-ри ва маҳалладошларини ҳам қувонтир-моқда.

Ватаним посбонлари

Жасоратли, ғайратли юртимнинг полвонлари, Шарафли ва шавкатли Ватан қаҳрамонлари. Сизлар билан мустаҳкам ўлкам ҳар томонлари, Бардам, бақувват бўлинг халқимиз ўғлонлари! Тинчдур она еримиз, мусаффо осмонлари, Сое ва саломат бўлинг юртимиз посбонлари!

Керак бўлса поёнсиз йўлар босиб юрасиз. Тинчдур она еримиз, мусаффо осмонлари, Эпчил ва чаққон бўлинг юртимиз посбонлари! Сизлар борсиз, ғанимлар юртга таҳдид соломас, Зарга тенг тупроғидан бир заррасин оломас! Бизларга ҳамла қилса, ўзлари омон қолмас, Чунки сиздек ўғлонлар жангу жадалда толмас. Тинчдур она еримиз, мусаффо осмонлари, Хушёр ва сергак бўлинг, юртимиз посбонлари. Қоражон ҚОДИРОВ, меҳнат фахрийси.

Спорт

Ҳарбий аёллар мусобақаси



Пойтахтимиздаги Жаҳон иқтисодиёти ва дипло-матия университети спорт саройида 14 январь — Ватан ҳимоячилари кўнига бағишлаб сузиш бўйича ҳарбий аёллар ўртасида мусоба-қа ўтказилди. Ўзбекистон Хотин-қизлар кўмитаси ташаббуси билан уюштирилган маз-кур баҳсларда Мудофаа ва Ички ишлар ва-зирликлари, Ўзбекистон Мудофаага кўмак-лашувчи «Ватанпарвар» ташкилоти тизимла-рида фаолият кўрсатаётган шу соҳа хизмат-чилари голиблиқ учун кураш олиб боришди.

Инилеев таркибни эълон қилди

6 февраль кўни 2010 йили Жанубий Африка Республикасида бўладиган жаҳон чемпионати са-ралаш учрашувларининг Осиё мунтақаси учин-чи босқич баҳслари бошланади. Шу кўни Ўзе-бекистон миллий терма жамоаси Байрутда Ливан футболчилари билан куч синашади.

Айни пайтда Рауф Инилеев бош мураббийлик қилаётган терма жамоасини аъзолари ўқув-ийгин машғулотларини бошлаш арафасида турибди. Режага кўра, терма жамоа ном-зодлари 24 январь кўни Тош-кентда тўлғаниш ва орадан икки кўн ўтиб Туркияга сафар қилишади. Бу ерда ташкил эти-ладиган ўқув-ийгин давомида вакилларимиз Белоруссиянинг «МТЗ-РИПО» футболчилари билан ўртоқлик учрашувидан май-донга тушадилар. Шунингдек, ҳамюртларимиз яна бир неча назорат ўйинларида ўз омад-ларини синаб кўришни мўлжал-лашмоқда.

Алиқулов, Илҳом Сулонов, Ри-нат Байрамов, Анвар Исмоилов (барчаси «Пахтакор»дан), Анвар Гофуров («Машъал»), Хайрулло Каримов, Алексей Николаев («Курувчи»), Азиз Ибрагимов («Слован» Словакия), Виталий Денисов («Днепр» Украина), ярим ҳимоячилар — Вағиз Га-лиуллин («Рубин» Россия), Одил Аҳмедов, Тимур Копадзе, Сер-вер Жепаров («Пахтакор»), Вик-тор Карпенко, Вячеслав Поно-марёв («Курувчи»), ҳужумчилар — Максим Шацких («Динамо» Киев, Украина), Фарход Тожи-ев («Пахтакор»), Улғбек Бақо-ев («Курувчи»), Павел Соломин («Трактор»), Марат Бикмаев («Рубин» Россия) ҳамда Алек-сандр Гейнрих («Торпедо» Рос-сия)лар мутахассислар кўриги-дан ўтшади.



ЎФФ матбуот марказининг билдиришича, Ўзбекистон миллий терма жамоаси бош мураббийи Рауф Инилеев ўқув-ийгин машғулотларига жалб этиладиган йигирма олти нафар футболчи рўйхатини эълон қилган. Унга кўра, дар-вобозонлар — Игнатий Несте-ров, Темур Жўраев (иқкаласи ҳам «Пахтакор»дан), Павел Бугало («Курувчи»), ҳимоячи-лар — Ислон Иномов, Асрор

Ўзбекистон ХДП Марказий Кенгаши Ижрокўми Ҳайъати партиянинг Беруний туман кенгаши раиси Юлдаш НАСУРЛАЕВНИнг вафот этгани муносабати билан унинг оила аъзо-лари ва яқинларига чўқур таззия ихзор этади.

Publication details for O'zbekiston Xalq Demokratik Partiyasi Markaziy Kengashi. Includes contact info for Bosh Muharrir (Safar Ostonov), Tahrir Hay'ati, and various regional offices.